

Rehovë, miratohet projekti për restaurimin e kishës së Shën Kollit



Në kuadër të veprimtarisë së Institutit Kombëtar të Trashëgimisë Kulturore është miratuar projekti i restaurimit për Kishën e Shën Kollit, në fshatin Rehovë të Ersekës.


Projekti i hartuar nga Instituti Kombëtar i Trashëgimisë Kulturore dhe i miratuar nga Këshilli Kombëtar i Trashëgimisë Kulturore Materiale parashikon ndërhyrje konservuese dhe restauruese në elementët konstruktivë të kishës.

Fshati i Rehovës është i njohur në të gjithë vendin për artizanatin, mikpritjen, gatimet e veçanta, bukuritë dhe trashëgiminë e pasur, të ruajtur deri në ditët e sotme.

Rehova piktoreske, e cila shtrihet në rrëzë të malit të Gramozit, është përzgjedhur në 100 fshatrat model dhe do krijojë të njëjtin itinerar si Voskopoja, duke i dhënë këtij fshati një zhvillim të ri turistik e ekonomik, përmes rijetëzimit të vlerave që

mbart si për turistët vendas, ashtu dhe për turistët e huaj.

Kisha e Shën Kollit, Rehovë, Ersekë



— ata.gov.al